



UNIVERSITÄTS-
BIBLIOTHEK
PADERBORN

**Petri Venerabilis Abbatis Cluniacensis; Illvstrivm
Miracvlorvm Libri II**

Petrus <Cluny, Abt>

Coloniæ, 1611

XXVI. De Gaufredo Sinemurensi Domino.

[urn:nbn:de:hbz:466:1-64969](#)

scribere cordi insedit, nolui aliqua negligere quæcunque auditoribus meo iudicio posse videbantur prodesse.

De Gaufredo Sinemurenſi Domino.

CAPUT XXVI.

GAUFREDVS vir nobilis, Dominus castri quod Sinemurum vocatur, postquam per multum tempus magnificè in seculo conuersatus est, tactus diuino spiritu, mundo renunciauit, atque cum filio & tribus filiabus apud Cluniacum habitum religionis induit. Vbi sanctè ac sine querela diu conuersatus, meritò religionis atque prudentiæ Marciacensium sororum, quarum superius mentionem feci, prior effectus est. Quarum curam dum per aliquot annos humiliter & benignè administrasset, more mortaliū molestia corporis tactus, defunctus est. Cuius simplicis & beatæ conuersationis dulcem retinentes memoriam sorores multis lachrymis eius funus prosecutæ sunt, eumque in ecclesia sepelientes, longè melius in cordium suorum abditis condiderunt. Qui non post multos obitus sui dies, cuidam sororum multæ mortificationis quæ Alberca dicebatur, in somnis apparuit: ei-

F 3

que

que dixit. Agnoscis me? Quæ cum trepidata voce, ut post ipsa referebat, respondisset; Dominum Gaufredum priorem suum sibi videri: adiunxit ille. Sum equidem quem dicis, & ut ea quæ circa me sunt tibi nota faciam, ad te directus sum. In hora exitus mei, maligni spiritus cum horiflico sonitu invuerunt, & me velut agmine facto vndique circundederunt. Cumque ad eorum aspectum territus, iam iamq; me ab eis rapiendum suspicarer, subito beatus Petrus apparuit, & illud dæmonum collegium præsentia sua perturbans, ait. Quid huc ad istum nequam spiritus adueniatis? Noster est, inquit, & nostra dum in seculo vixit, opera fecit. Sed pro his (inquit) omnibus ex corde pœnituit, & quod maius est seculo renunciauit. Et dum plurima hostis opponeret, & Apostolus vniuersa quæ dicebantur vera ratione purgaret, ad hoc tandem victus inimicus prorupit. Vnum (ait) superest quod nullo cassari arguento potest. Vestibus ac telis quæ vndeunque abluendæ ad castrum de Sinemurro deferuntur, nouas exactiones imporsuit quas nec ipse nec aliquis post eum remouit. Manente ergo peccato, necessè est manere & pœnam peccati. Ad quod

Aposto-

Apostolus. Nihil (inquit) excipiens, pro *Contra
omnibus peccatis suis monachus factus nouas
est, & idcirco absque dubio in partem sa- exactiores.
lutis vocandus est. Hoc dicto, hostibus
in fugam coactis, me ab eorum terro-
ribus liberavit. Supereft, vt filio meo
Gaufredo, qui mihi in seculari hæredita-
te successit, hæc nota facias, & vt prauam
exactionem ad priorem reducat consue-
tudinem, ei ex mea parte dicas. His di-
ctis abcessit. At nominata foror, domi-
nam Adelam Regis Anglici sororem,
prius B'efensem Comitissam, nunc hu-
milem Christi ancillam adiens, ei vni-
uersa narravit. Quæ iam dictum Gausfre-
dum accersiens, vtrum aliquid nouæ cō-
suetudinis telis ac vestibus quæ sub ca-
stro abluebantur, pater eius imposuerit,
requisiuit. Quod cum verè vt defunctus
dixerat ab eo cognouisset, non illusoriam
sed veram fuisse visionem agnouit, quam
à veraci & hic ante nesciente relatrice au-
diuit, & quam subsequentis qui rem no-
uerat, testimonium confirmauit. Et hæc
eadem mihi fuit causa istud scribendi, vt
licet inter miracula solas vigilantium re-
uelationes scribere proposuerim, illas
tantum dormientium visiones stylus
ste non abhorreat, quas circumstan-*

dum rerum ratio certa confirmat. Rogauit certè, & ex defuncti patris mandato filium admonuit, vt nocium exactiōnis vsum remoueret, & ne sibi quoq; in peccatum reputaretur, sollicitus prouideret. Quod vtrum fecerit, non satis mihi cognitum fuit. Quid verò illis qui dormientium visiones despiciunt, respondendum sit, non multo labore opus est. Facilè enim occurrit, vnde & risus illudētium reprimatur, & non omnino huiusmodi reuelationes contemnendas esse, tardis etiam intellectibus aperiatur.

De milite mortuo qui apparuit Humbero Beliocensi.

CAPVT XXVII.

ADIVNGATVR supradictis visionibus recentior, & penè sub ipsis oculis nostris facta reuelatio, de qua si quis dubitauerit nescio cui iam miraculo credere possit. In tanta enim claritate res acta est, & tam solemniter à fidissimis testibus propalata, vt qui hoc obscurum putauerit, nihil de reliquo clarum reperire in consimilibus valeat. Anno quo in Hispaniam profectus sum res contigerat, quam tanta celeritate stilius prosecutus est, vt cū ipsa in Lugdunensi